

Orde do 23 de febreiro de 2010 pola que se regula a oferta de prazas xuventís dentro do programa Campaña Verán-2010 e se procede á súa convocatoria.

A Consellería de Traballo e Benestar, a través da Dirección Xeral de Xuventude e Voluntariado, leva a cabo a promoción e organización de actividades cun claro compoñente de educación non formal destinadas á xuventude no ámbito do ocio e o tempo libre.

Asumidas as competencias neste eido polo Decreto 146/1982, do 1 de decembro, a Consellería de Traballo e Benestar inclúe entre os seus obxectivos o de favorecer a participación da xuventude en actividades deste tipo, e para iso convoca, unha vez máis, a Campaña Verán-2010.

A través da oferta da devandita campaña ofrécese a posibilidade de que a xuventude empregue o seu tempo libre vacacional participando en actividades de carácter lúdico, cultural, deportivo e formativo, que sirvan non só para divertirse senón tamén para o enriquecemento persoal e vital, ademais de ofrecer a posibilidade de coñecer outros territorios da xeografía nacional a través das actividades que se realizan noutras comunidades autónomas de España.

A Consellería de Traballo e Benestar, a través da Dirección Xeral de Xuventude e Voluntariado pretende satisfacer as necesidades dos mozos e mozas galegos na ocupación do seu tempo de lecer.

Por todo isto,

DISPOÑO:

Artigo 1º.-Obxecto.

1. Para facilitar que a xuventude galega poida participar en actividades de tempo libre de calidade, a Consellería de Traballo e Benestar, a través da Dirección Xeral de Xuventude e Voluntariado, oferta a programación de actividades que se detalla no anexo I desta orde.

As diferentes actividades que integran esta programación levaranse a cabo tanto en Galicia como nas comunidades autónomas de España, en diferentes quendas de entre unha semana e quince días de duración durante os meses de xullo e agosto.

2. A información sobre a convocatoria desta campaña, así como de cada actividade e instalación xuvenil onde se desenvolverá, atoparase detallada na páxina web www.xuventude.net. Ademais, os interesados poden solicitar folletos informativos da convocatoria na Dirección Xeral de Xuventude e Voluntariado, nos servizos e oficinas locais de xuventude dos departamentos territoriais da Consellería de Traballo e Benestar, nas oficinas e puntos de información xuvenil da Rede Galega de Información e Documentación Xuvenil, no Centro Coordinador de Información e Documentación Xuvenil, nas

oficinas de información administrativa e atención ao cidadán e no teléfono xove (902 15 25 35).

3. Co fin de lograr a efectiva difusión desta campaña para vindeiras convocatorias e co obxectivo de garantir a transparencia, a eficacia e a eficiencia na organización e xestión pública (artigo 2, b da Lei 4/2006, do 30 de xuño, de transparencia e boas prácticas na Administración pública galega), de proporcionar e difundir información constante, veraz, obxectiva e clara sobre a actuación do sector público (2 c), recolleranse experiencias e mesmo fotografías das instalacións e dos participantes que poderán ser empregadas para noticias contidas en xornais, publicacións e mesmo divulgadas tanto a través de servizos da sociedade da información como en páxinas web da Consellería de Traballo e Benestar.

Artigo 2º.-Servizos ofertados.

1. A participación na oferta da Campaña Verán-2010 realizarase a través de inscrición individual ou múltiple (para os supostos de dous, tres ou catro irmáns). Os participantes disporán dos seguintes servizos:

a) Un programa de actividades de carácter socio-cultural, recreativo, formativo e convivencial, que posibilite a participación da/o moza/o.

b) Aloxamento en albergue xuvenil, residencia xuvenil ou campamento xuvenil.

c) Manutención en réxime de pensión completa.

d) O material necesario para a actividade.

e) Un equipo técnico de persoal especializado en animación sociocultural e actividades de tempo libre e actividades náuticas, se é o caso.

f) Atención sanitaria de primeiros auxilios e seguro de accidentes.

g) Nas actividades desenvolvidas noutras comunidades autónomas inclúese o transporte desde Santiago de Compostela ata o lugar de destino, así como o retorno ata Santiago de Compostela.

2. A incorporación aos campamentos e albergues de Galicia será por conta do interesado o día de inicio da quenda correspondente, entre as 16.00 e as 19.00 horas. Non se admitirá ningún participante despois deste límite.

Cabe destacar, que nas actividades que se leven a cabo noutras comunidades autónomas, será por conta do interesado o traslado desde o seu domicilio ata Santiago de Compostela, tanto o día de saída para a actividade, como o día de chegada desta. No suposto de expulsión da/o participante, os gastos ocasionados para o seu regreso ao seu domicilio serán por conta dos pais ou titores.

Artigo 3º.-Participantes.

1. Poden solicitar a súa participación nas actividades ofertadas nesta convocatoria os mozos e mozas

nacidos no ano sinalado no anexo I para cada actividade.

2. En canto á idade mínima e máxima para participar na Campaña Verán-2010, cómpre destacar o seguinte:

-Os nacidos no ano 1992 non poderán cumprir 18 anos antes da finalización do campamento.

-Os nacidos no ano 2001 deberán ter cumpridos 9 anos ao inicio do campamento.

3. O incumprimento destas normas dará lugar á non admisión da solicitude.

Artigo 4º.-*Discapacitados.*

Co obxecto de acadar unha adecuada distribución de prazas nos campamentos de integración organizados pola Xunta de Galicia, aqueles mozos e mozas que teñan unha discapacidade igual ou superior ao 33% deberán participar neste programa a través da convocatoria que realiza todos os anos a Dirección Xeral de Dependencia e Autonomía Persoal-Subdirección Xeral de Promoción da Autonomía Persoal, e non poderán presentar solicitudes de participación no sorteo que terá lugar o día 21 de abril.

No caso de incumprimento do disposto no punto anterior, os rapaces non serán aceptados o día de incorporación ao campamento.

Artigo 5º.-*Tipos de solicitude.*

1. A solicitude pode ser individual ou múltiple (para o suposto de dous, tres e ata catro irmáns).

A solicitude múltiple só se poderá empregar para o suposto de solicitude de irmáns que pidan a mesma instalación e quenda. Todos os interesados que figuren nunha mesma instancia deben cumprir os requisitos de idade exixidos para as instalacións e quendas solicitadas.

O incumprimento do disposto no parágrafo anterior por un dos participantes, suporá a exclusión de todos os que figuren nesa mesma solicitude.

Estas solicitudes teñen efecto durante o sorteo para a adxudicación da praza e para xerar as listas de espera, pero no momento das adxudicacións desde a lista de espera xa se teñen en conta como individuais.

2. Presentación de solicitudes.

A presentación da solicitude poderá facerse, á elección do solicitante, por vía escrita ou por vía telemática:

a) Vía escrita:

As solicitudes deberán formularse no impreso que se indica no anexo II desta orde, que poderá solicitar nos servizos que especifica o artigo 1.2º, ou ben descargar e cubrir directamente desde a páxina web www.xuventude.net, para logo presentar a través do rexistro.

Esta solicitude e máis a documentación requirida dirixirase ao director xeral de Xuventude e Voluntariado, e poderá presentarse no rexistro da Consellería de Traballo e Benestar, sito no edificio administrativo da Xunta de Galicia en San Lázaro, en Santiago de Compostela, nos rexistros dos departamentos territoriais da Consellería de Traballo e Benestar ou por calquera dos medios establecidos no artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común. Todas aquelas persoas que presenten a súa solicitude a través do procedemento do portelo único dos concellos ou por correo ordinario deberán remitir, unha vez rexistrada, unha copia desta por fax ao número 981 54 58 43.

Non serán admitidas aquelas solicitudes presentadas unicamente vía fax.

b) Vía telemática:

A vía telemática establécese como un mecanismo de presentación nun único trámite para aqueles solicitantes que reúnan os seguintes requisitos:

-Os solicitantes deberán posuír un certificado dixital baixo a norma X.509.V3 expedido pola Fábrica Nacional de Moeda e Timbre, Real Casa da Moeda.

Poderá accederse a esta vía de presentación a través da aplicación informática establecida no enderezo da internet: <http://www.xunta.es/servizos>, onde se disporán os medios de axuda para a presentación de solicitudes.

Unha vez asinada a solicitude co certificado dixital do solicitante, procederase á transferencia telemática da dita documentación ao Rexistro Telemático da Xunta de Galicia, creado polo Decreto 200/2003, do 20 de marzo.

3. Formalización da solicitude.

Os impresos de solicitude deben ser cubertos de acordo coas seguintes normas:

a) Cada mozo ou moza só poderá cubrir unha solicitude elixindo, por orde de prioridade, un máximo de cinco quendas ou actividades. (Cada quenda ou actividade vai identificada cun código no anexo I desta orde).

b) Os datos do solicitante deben ser os da moza ou mozo que opta a participar nas actividades. No caso de solicitudes múltiples deberán cubrirse os datos de todos os irmáns que soliciten a súa participación.

c) As solicitudes deberanas asinar os pais/nais ou titores dos menores solicitantes.

d) Se o solicitante é galego non residente en Galicia, na súa solicitude debe figurar, para as comunicacións, un enderezo nesta comunidade autónoma.

e) A duplicidade dunha solicitude dará lugar á inadmisión de ambas, e quedará o solicitante fóra do sorteo.

A partir do 5 de abril, o interesado deberá comprobar a recepción da súa solicitude na páxina web www.xuventude.net, así como os posibles erros de mecanización que se cometesen co obxecto de proceder á súa corrección. Nesa páxina aparecerá un enlace para consultar os datos das solicitudes. Para ter acceso a estes, deberase incluír o número do DNI do pai/nai ou titor/a que cubriu a instancia, así como a data de caducidade dese DNI. Se os interesados atopan algún erro nos datos da solicitude ou non a atopan, deben chamar a calquera dos números de teléfono da Dirección Xeral de Xuventude e Voluntariado que aparecen no anexo IV, antes do día 19 de abril, inclusive. Unha vez transcorrido ese día, contra os erros ou omisións de solicitudes, non procederá ningunha reclamación.

Artigo 6º.-*Prazo.*

O prazo de presentación de solicitudes iniciárase o día seguinte ao da publicación desta orde no *Diario Oficial de Galicia* e rematará o día 23 de marzo de 2010.

Artigo 7º.-*Adxudicación de prazas.*

A adxudicación das prazas realizarase da seguinte forma:

1. Por adxudicación directa, no caso de que a demanda non supere o número de prazas dispoñibles.

2. Por sorteo, por medios informáticos, no suposto de que o número de solicitudes supere o número de prazas dispoñibles.

Neste caso o sorteo realizarase, ante notario, o día 21 de abril de 2010, ás 12.00 horas, na sala de prensa da Consellería de Traballo e Benestar, sita na terceira planta das dependencias da devandita consellería no edificio administrativo de San Lázaro en Santiago de Compostela.

Mediante este sorteo cubriranse as prazas nas distintas actividades que especifica o anexo I desta orde. Destacar que se lle dará prioridade no sorteo a aqueles solicitantes que non obtiveron praza na campaña de verán do ano pasado.

Así mesmo, dará lugar a unha lista de espera para cada unha das actividades. Esta lista xerarase dunha forma aleatoria, mediante sistema informático, unha vez realizado o sorteo e colocando a cada participante unicamente nunha lista de espera para un campamento concreto, de entre os que solicitou entre as cinco opcións. O número de reservas en cada actividade será do 50% das prazas convocadas.

3. A Dirección Xeral de Xuventude e Voluntariado fará público o resultado do sorteo, incluídas as listas de espera, e confeccionará a correspondente lista de admitidos para cada quenda e actividade. A comunicación do resultado do sorteo para os participantes seleccionados levarase a cabo vía sms e correo electrónico ao número de teléfono e conta de correo especificados na solicitude, e a lista de admitidos será

exposta a partir do día 22 de abril de 2010 na Dirección Xeral de Xuventude e Voluntariado, no rexistro único da Xunta de Galicia, nos rexistros e servizos de Xuventude e Voluntariado dos departamentos territoriais da Consellería de Traballo e Benestar, no Centro de Información Administrativa e Atención ao Cidadán de Santiago de Compostela, no teléfono xove (902 15 25 35) e na páxina web www.xuventude.net.

Artigo 8º.-*Documentación.*

Os participantes seleccionados deberán presentar, desde o día seguinte ao da data de exposición das listas e ata o día 6 de maio de 2010, no departamento territorial da Consellería de Traballo e Benestar da provincia onde se vai desenvolver a actividade, ou na Dirección Xeral de Xuventude e Voluntariado, no caso das actividades que se realicen fóra da Comunidade Autónoma de Galicia, a seguinte documentación:

-Xustificación de pagamento.

-Fotocopia do DNI ou da folla correspondente do libro de familia, no caso de que o pai/nai ou representante legal do/a menor interesado/a non autorice expresamente a comprobación de datos por medio do acceso telemático ao sistema de verificación de datos de identidade do Ministerio da Presidencia.

-Fotocopia do documento de afiliación á Seguridade Social ou seguro médico privado.

-Cuestionario médico-sanitario (anexo III).

-Declaración responsable de que sabe nadar.

-Fotocopia compulsada do título de familia numerosa, de ser o caso.

-Fotocopia do Carné Xove, de ser o caso.

Artigo 9º.-*Adxudicación de prazas ás listas de espera.*

1. As vacantes que se produzan por non presentar a documentación, por presentala fóra do prazo establecido ou por renunciar á praza obtida no sorteo, serán ofrecidas desde o día 24 de maio aos solicitantes que figuran nas listas de espera correspondentes. No caso de que se produzan baixas, a Dirección Xeral de Xuventude e Voluntariado ou o servizo de xuventude correspondente contactarán, seguindo a orde de lista, cos suplentes mediante chamada telefónica. Realizaranse tres chamadas entre as 9.00 e as 14.00 horas que quedarán rexistradas para a súa constancia. De non contactar co interesado, este será dado de baixa e procederá a chamar ao seguinte na lista de espera. Unha vez recibida a comunicación e aceptada a praza ofrecida deberán presentar a documentación sinalada no artigo 8º nun prazo de 48 horas.

2. No caso de non presentar a mencionada documentación no prazo indicado, a praza será ofertada ao seguinte da lista de espera.

Artigo 10º.-*Adxudicación das prazas de resultas.*

1. As prazas vacantes que non se cubriran polos procedementos de adxudicación establecidos nos artigos 7º e 9º desta orde, serán ofertadas a partir do día 7 de xuño. Estas prazas estarán expostas na páxina web www.xuventude.net.

Para estes efectos, poderá solicitar as prazas vacantes toda persoa que cumpra o requisito do ano de nacemento a que se fai mención no artigo 3º desta orde.

2. Para solicitar as prazas de resultas, o interesado poderá efectuar a oportuna reserva da praza, no caso de que existan vacantes, por teléfono a través de calquera servizo de Xuventude e Voluntariado dos departamentos territoriais da Consellería de Traballo e Benestar ou da Dirección Xeral de Xuventude e Voluntariado.

Cada persoa só poderá facer a reserva, como máximo, de catro prazas para catro participantes.

A reserva de prazas poderase efectuar das 9.00 ás 14.00 horas, en días laborables agás os sábados.

3. Unha vez efectuada a reserva de praza, o interesado disporá dun prazo máximo de 48 horas para presentar o impreso que se indica no anexo II desta orde, debidamente cuberto, e a documentación relacionada no artigo 8º.

Esta documentación poderá presentala en calquera das oficinas anteriormente relacionadas. En caso contrario, perderá o dereito á praza reservada.

4. No anexo IV indícanse os enderezos e teléfonos das oficinas administrativas a través das que pode efectuar a oportuna reserva de praza, para os efectos do disposto neste artigo.

Artigo 11º.-*Prezos.*

1. Os prezos de aplicación para cada actividade e quenda aparecen detallados no anexo I desta orde, de acordo co sinalado na orde pola que se fixan as tarifas e os prezos correspondentes á prestación de servizos nas instalacións xuvenís e a expedición de carnés dirixidos á xuventude da Dirección Xeral de Xuventude e Voluntariado, durante o ano 2010.

2. Os membros de familia que teñan o título de numerosa terán un desconto do 50% sobre os prezos que aparecen detallados no anexo I desta orde. Circunstancia que debe ser acreditada coa presentación dunha fotocopia compulsada do título de familia numerosa vixente.

3. Os usuarios do Carné Xove gozarán dun desconto do 25% sobre os prezos que aparecen detallados no anexo I desta orde. Circunstancia que debe ser acreditada coa presentación dunha fotocopia do Carné Xove vixente.

4. Os descontos citados nos dous puntos anteriores en ningún caso serán acumulables.

Artigo 12º.-*Devolución de cotas.*

1. Se unha vez obtida a praza e aboado o prezo correspondente o interesado non pode asistir á actividade, só terá dereito á devolución deste no caso de que comunique a renuncia á praza por escrito e solicite a devolución da cantidade aboada polo menos vinte días naturais antes do inicio da actividade, ou cando por causas non imputables ao interesado non se preste o servizo ou a Administración anule a actividade (Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia e Decreto lexislativo 172/1992, do 26 de xuño, polo que se ditan normas para a xestión da liquidación e recadación das taxas e prezos públicos da Comunidade Autónoma de Galicia).

2. Todas aquelas solicitudes de devolución de cota que non sexan presentadas, tal e como se recolle no punto anterior, polo menos vinte días naturais antes do inicio da actividade, serán denegadas independentemente da causa xustificativa que se alegue na respectiva solicitude de devolución de cota.

3. Para estes efectos os interesados dispoñen dun modelo normalizado de solicitude de devolución de cota de participación anexo a esta orde (anexo V), que tamén poderán solicitar na Dirección Xeral de Xuventude e Voluntariado e nos servizos de Xuventude e Voluntariado dos departamentos territoriais da Consellería de Traballo e Benestar.

4. A solicitude deberá dirixirse ao xefe territorial da Consellería de Traballo e Benestar da provincia onde se vai desenvolver a actividade, ou ao director xeral de Xuventude e Voluntariado no caso das actividades que se desenvolvan fóra da Comunidade Autónoma de Galicia, que serán os órganos encargados de resolver en cada caso.

Artigo 13º.-*Protección de datos.*

De acordo co artigo 5 da Lei orgánica 15/1999, do 13 de decembro, de protección de datos de carácter persoal, informámoslle que os datos recollidos nos diferentes anexos desta orde resultan necesarios para a adxudicación de prazas xuvenís dentro do programa Campaña Verán-2010. Os datos facilitados considéranse exactos e postos ao día, ademais de pertinentes e axeitados, e serán incorporados ao ficheiro Campamentos de verán, do que é responsable a Consellería de Traballo e Benestar, e a finalidade do cal é obter unha base de datos para resolver as solicitudes de praza nos campamentos, recompilación de datos sanitarios para conseguir un coñecemento previo para previr situacións de risco excepcionais derivadas de circunstancias persoais, obtención de datos económicos para proceder a devolver cotas en caso de renuncia e/ou ingreso erróneo. O titular dos datos consente expresamente a comunicación destes a organizacións ou persoas directamente relacionadas co responsable do ficheiro e a súa publicación nos termos contidos nesta orde. Non haberá máis cesións de datos agás a outras administracións públicas que exerzan as mesmas competencias ou no caso de que unha lei o pre-

vexa. O interesado pode exercer os dereitos de acceso, rectificación, cancelación e oposición ante o centro directivo competente en materia de xuventude no enderezo Edificio Administrativo San Lázaro, 3º andar, 15781 Santiago de Compostela (A Coruña) ou no correo electrónico lopd.xuventude@xunta.es.

Cando o solicitante facilite datos dun terceiro, aínda que se trate de menores de idade, sempre que sexan maiores de 14 anos, será o encargado de informar do contido desta cláusula ao titular dos datos e con carácter previo á súa inclusión no devandito ficheiro, no caso dos menores deberá expresalo nunha linguaxe facilmente comprensible para eles.

Disposicións derradeiras

Primeira.-Facúltase o director xeral de Xuventude e Voluntariado para ditar, no ámbito das súas competencias, as resolucións precisas para o desenvolvemento desta orde.

Segunda.-Esta orde entrará en vigor ao día seguinte da súa publicación no *Diario Oficial de Galicia*.

Santiago de Compostela, 23 de febreiro de 2010.

Beatriz Mato Otero
Conselleira de Traballo e Benestar

ANEXO I
Campamentos de verán 2010

Instalación xuvenil	Actividade	Data	Ano de nacemento	Importe da praza	Código
Alb. xuv. Mariña Española	A miña primeira aventura	1-8 de xullo	2000-2001	92 €	150001
		11-18 de xullo	2000-2001	92 €	150002
		21-28 de xullo	2000-2001	92 €	150003
		1-8 de agosto	2000-2001	92 €	150004
	Deporte e recreación	11-18 de agosto	1998-1999	180 €	150005
Alb. xuv. Gandarío	Acampamos	2-13 de agosto	1996-1997	180 €	150006
	Actividades no mar	1-12 de xullo	1995-1996	188 €	150007
	Actividades no mar	17-28 de xullo	1995-1996	188 €	150008
	Vela e táboa	17-28 de xullo	1992-1993-1994	188 €	150009
	Vela e táboa	2-13 de agosto	1992-1993-1994	188 €	150011
	Actividades do mar	18-29 de agosto	1995-1996	188 €	150012
	Vela e táboa	18-29 de agosto	1992-1993-1994	188 €	150013
Camp. xuv. Furelos	En bicicleta e a cabalo pola natureza	1-12 de xullo	1995-1996	168 €	150014
		17-28 de xullo	1992-1993-1994	168 €	150015
		2-13 de agosto	1996-1997	168 €	150016
Camp. xuv. Virxe de Loreto	Actividades náuticas	1-12 de xullo	1995-1996	168 €	150017
		17-28 de xullo	1995-1996	168 €	150018
		2-13 de agosto	1992-1993-1994	168 €	150019
Camp. xuv. Espiñeira	Campamento de teatro	1-12 de xullo	1998-1999	143 €	150020
		17-28 de xullo	1998-1999	143 €	150021
Alb. xuv. Area	Actividades no mar: vela, táboa, <i>wake board</i> e aula de natureza mariña	1-12 de xullo	1995-1996	188 €	270001
		17-28 de xullo	1994-1995	188 €	270002
		2-13 de agosto	1995-1996	188 €	270003
		18-29 de agosto	1995-1996	188 €	270004
Alb. xuv. Benigno Quiroga	Xogando no encoro. A nosa primeira aventura	1-8 de xullo	1999-2000-2001	92 €	270005
		11-18 de xullo	1999-2000-2001	92 €	270006
		21-28 de xullo	1999-2000-2001	92 €	270007
		1-8 de agosto	1999-2000-2001	92 €	270008
Camp. xuv. A Devesa	Multiaventura: ambiente e mar	1-12 de xullo	1996-1997	143 €	270009
	Acampada ao carón do mar	1-12 de xullo	1998-1999	143 €	270010
	DevesAventura	17-28 de xullo	1996-1997	143 €	270011
	Campamento Sinte Galicia	17-28 de xullo	1998-1999	143 €	270012
	Unha viaxe a través do tempo	2-13 de agosto	1998-1999	143 €	270013
	Sons da Devesa	2-13 de agosto	1998-1999	143 €	270014
Camp. xuv. Os Chacotes	Multiaventura nos Chacotes	17-28 de xullo	1995-1996	143 €	270015
	Aventura-T	2-13 de agosto	1996-1997	143 €	270016

Instalación xuvenil	Actividade	Data	Ano de nacemento	Importe da praza	Código
Complexo res. xuv. LUG	Campamento de teatro	2-13 de agosto	1992-1993-1994	180 €	270017
Camp. xuv. P. de Xacinto	Aventura e deporte	1-12 de xullo	1999-2000-2001	143 €	320001
		17-28 de xullo	1996-1997	143 €	320002
		2-13 de agosto	1995-1996	143 €	320003
	Gallaecia-Lusitania	15-26 de agosto	1992-1993-1994	143 €	320004
Colexio Guillermo Brown	Contos e lendas	1-12 de agosto	1999-2000-2001	180 €	320005
Universidade Laboral	Campamento de fútbol	1-10 de xullo	1996-1997	120 €	320006
		11-21 de xullo	1996-1997	120 €	320007
Centro de educación ambiental Equal	Teatro, baile: o corpo tamén fala	1-12 de xullo	1999-2000-2001	180 €	320008
		17-28 de xullo	1995-1996	180 €	320009
		2-13 de agosto	1998-1999	180 €	320010
Alb. xuv. Vilar de Ordellas (Esgos)	Multiaventura	1-12 de xullo	1998	180 €	320011
		17-28 de xullo	1998-1999	180 €	320012
		2-13 de agosto	1996-1997	180 €	320013
Alb. xuv. As Sinas	Actividades no mar: vela, dorna, táboa, piragüismo, <i>kaiak-polo</i> e aula natureza mariña	1-12 de xullo	1995-1996	188 €	360001
		17-28 de xullo	1995-1996	188 €	360002
		2-13 de agosto	1995-1996	188 €	360003
		18-29 de agosto	1992-1993-1994	188 €	360004
Alb. xuv. Pontemariñil	A miña primeira aventura	1-8 de xullo	1999-2000-2001	82 €	360005
		11-18 de xullo	1999-2000-2001	82 €	360006
		21-28 de xullo	1999-2000-2001	82 €	360007
	Aventura na natureza	1-12 de xullo	1998-1999	143 €	360008
		17-28 de xullo	1996-1997	143 €	360009
		2-13 de agosto	1996-1997	143 €	360010
Camp. xuv. A Illa de Ons	Aventura na illa	1-12 de xullo	1997-1998	143 €	360011
		17-28 de xullo	1998-1999	143 €	360012
		2-13 de agosto	1997	143 €	360013

Campamentos noutras comunidades autónomas. Ano 2010 campaña verán

Comunidade autónoma	Instalación xuvenil	Modalidade	Ano de nacemento	Data	Prezo	Código
Álava	Albergue Carlos Abaitua	Colonia de rock	1992-1993	1-12 de xullo	210 €	500001
	Alb. xuv. Barriá	Multiaventura	1997	1-11 de agosto	210 €	500002
	Isla de Zuhatza	Náutica	1995-1996	1-11 de agosto	210 €	500003
Aragón	Alb. xuv. Ntra. Sra. del Pilar-Villanúa	Multiaventura	1993-1994-1995	2-16 de xullo	225 €	500004
	Camp. xuv. Canfranc	Multiaventura	1993-1994-1995	2-16 de agosto	210 €	500005
	Camp. xuv. Moncayo	Multiaventura	1996-1997	2-16 de agosto	210 €	500006
Cantabria	Alb. xuv. Loredó e alb. xuv. Tama	Mar e montaña	1992-1993-1994-1995	17-31 de xullo	225 €	500007
	Camp. xuv. Tama	Montaña	1995-1996	17-31 de xullo	210 €	500008
	Camp. xuv. Ruiloba	Multiaventura	1995-1996	17-31 de xullo	210 €	500009
Estremadura	Alb. xuv. Las Castellanas (Cáceres)	Multiaventura	1995-1996	3-14 de agosto	225 €	500010
Castela e León	Alb. xuv. S. Martín de Castañeda (Sanabria)	Multiaventura	1992-1993-1994	1-15 de xullo	225 €	500011
	Alb. xuv. Pola de Gordón	Multiaventura	1996-1997	1-15 de xullo	225 €	500012
A Rioxa	Alb. xuv. Ezcaray	Multiaventura	1994-1995-1996	4-15 de xullo	225€	500013
Murcia	Alb. xuv. Puntas de Calnegre (Lorca)	Náutica	1992-1993-1994-1995	1-12 de agosto	225 €	500014
Navarra	Alb. xuv. Alsasua	Multiaventura	1995-1996	22-31 de xullo	210 €	500015
	Alb. xuv. Santesteban	Multiaventura	1992-1993-1994-1995	22-31 de xullo	210 €	500016



XUNTA DE GALICIA
 CONSELLERÍA DE TRABALLO
 E BENESTAR

ANEXO II A



SOLICITUDE INDIVIDUAL DE PRAZAS XUVENÍS DA CAMPAÑA DE VERÁN

--	--	--	--	--

(Para cubrir pola Administración)

PROCEDEMENTO <i>PRAZAS XUVENÍS, PROGRAMA CAMPAÑA DE VERÁN</i>	CÓDIGO DO PROCEDEMENTO <i>BS303A</i>	DOCUMENTO <i>SOLICITUDE</i>
---	--	---------------------------------------

DATOS DO RESPONSABLE DO MENOR

NIF PAI/NAI/TITOR/A	DATA CADUCIDADE DNI (dato obrigatorio)	NOME	PRIMEIRO APELIDO	SEGUNDO APELIDO
PROVINCIA	CONCELLO	ENDEREZO		
CÓDIGO POSTAL	TELÉFONO FIXO	TELÉFONO MÓBIL	CORREO ELECTRÓNICO	

DATOS DO MENOR

DNI SOLICITANTE	NOME	PRIMEIRO APELIDO
SEGUNDO APELIDO	DATA NACEMENTO	

INSTALACIÓNS QUE SOLICITA

CÓDIGO :	
CÓDIGO :	
CÓDIGO :	
CÓDIGO :	
CÓDIGO :	

DECLARACIÓN XURADA DO PAI /NAI /TITOR/A

DECLARO BAIXO A MIÑA RESPONSABILIDADE QUE SON CERTOS OS DATOS QUE FIGURAN NESTA SOLICITUDE.

Autorización para a comprobación telemática de datos do solicitante ou representante legal (pai/ nai/ titor/a)
 Autorizo a consellería de conformidade cos artigos 2 e 3 do Decreto 255/2008, do 23 de outubro, e a orde da Consellería de Presidencia, Administracións Públicas e Xustiza, do 7 de xullo de 2009 que o desenvolve, para a consulta dos meus datos de identidade nos sistemas de verificación de datos de identidade do Ministerio da Presidencia.

SI NON (no caso de non outorgar autorización, deberá achegar copia compulsada do DNI)

(Marcar cunha X o que proceda)

LEXISLACIÓN APLICABLE

Orde do 23 de febreiro de 2010 pola que se regula a oferta de prazas xuvenís dentro do programa Campaña Verán-2010 e se procede á súa convocatoria.

SINATURA DO RESPONSABLE DO MENOR

Lugar e data

, de de 201

(Para cubrir pola Administración)

RECIBIDO
REVISADO E CONFORME

NÚMERO DE EXPEDIENTE

DATA DE ENTRADA
 ____/____/____
 DATA DE EFECTOS
 ____/____/____
 DATA DE SAÍDA
 ____/____/____

Director xeral de Xuventude e Voluntariado

De acordo co artigo 5 da Lei orgánica 15/1999, do 13 de decembro, de protección de datos de carácter persoal, infórmoo/a que os datos recollidos nos diferentes anexos desta orde resultan necesarios para a adxudicación de prazas xuvenís dentro do programa Campaña Verán-2010. Os datos facilitados considéranse exactos e postos ao día e serán incorporados ao ficheiro Campamentos de verán, do cal é responsable a Consellería de Traballo e Benestar, e a súa finalidade é obter unha base de datos para resolver as solicitudes de praza nos campamentos, recompilación de datos sanitarios para conseguir un coñecemento previo para previr situacións de risco excepcionais derivadas de circunstancias persoais, obtención de datos económicos para proceder a devolver cotas en caso de renuncia e/ou ingreso erróneo. O titular dos datos consente a comunicación destes a organizacións ou persoas directamente relacionadas co responsable do ficheiro e a súa publicación nos termos contidos nesta orde. Non haberá máis cesións de datos agás a outras administracións públicas que exerzan as mesmas competencias ou no caso de que unha lei o prevea. O interesado pode exercer os dereitos de acceso, rectificación, cancelación e oposición ante o centro directivo competente, no enderezo edificio administrativo San Lázaro, s/n, 3º andar, 15781 Santiago de Compostela (A Coruña) ou no correo electrónico lpd.xuventude@xunta.es.

Cando o solicitante facilite datos dun terceiro, aínda que se trate de menores de idade, sempre que sexan maiores de 14 anos, será o encargado de informar do contido desta cláusula ao titular dos datos e con carácter previo á súa inclusión no devandito ficheiro, no caso dos menores deberá expresalo nunha linguaxe facilmente comprensible para estes.



XUNTA DE GALICIA
CONSELLERÍA DE TRABALLO
E BENESTAR

ANEXO II B



XACOBEO 2010
Galicia

SOLICITUDE MÚLTIPLE DE PRAZAS XUVENÍS DA CAMPAÑA DE VERÁN

(Para cubrir pola Administración)

PROCEDEMENTO PRAZAS XUVENÍS, PROGRAMA CAMPAÑA DE VERÁN	CÓDIGO DO PROCEDEMENTO BS303A	DOCUMENTO SOLICITUDE
--	---	--------------------------------

DATOS DO RESPONSABLE DO MENOR

NIF PAI/NAI/TITOR/A	DATA CADUCIDADE DNI (dato obrigatorio)	NOME	PRIMEIRO APELIDO	SEGUNDO APELIDO
PROVINCIA	CONCELLO	ENDEREZO		
CÓDIGO POSTAL	TELÉFONO FIXO	TELÉFONO MÓBIL	CORREO ELECTRÓNICO	

DATOS DO MENOR 1

DNI SOLICITANTE	NOME	PRIMEIRO APELIDO
SEGUNDO APELIDO	DATA NACEMENTO	

DATOS DO MENOR 2

DNI SOLICITANTE	NOME	PRIMEIRO APELIDO
SEGUNDO APELIDO	DATA NACEMENTO	

DATOS DO MENOR 3

DNI SOLICITANTE	NOME	PRIMEIRO APELIDO
SEGUNDO APELIDO	DATA NACEMENTO	

DATOS DO MENOR 4

DNI SOLICITANTE	NOME	PRIMEIRO APELIDO
SEGUNDO APELIDO	DATA NACEMENTO	

INSTALACIÓNS QUE SOLICITA

CÓDIGO :		CÓDIGO :	
CÓDIGO :		CÓDIGO :	
CÓDIGO :			

Autorización para a comprobación telemática de datos do solicitante ou representante legal (pai/nai/titor/a)

Autorizo a consellería de conformidade cos artigos 2 e 3 do Decreto 255/2008, do 23 de outubro e a orde da Consellería de Presidencia, Administracións Públicas e Xustiza, de 7 de xullo de 2009 que o desenvolve, para a consulta dos meus datos de identidade nos sistemas de verificación de datos de identidade do Ministerio da Presidencia.

(Marcar cunha X o que proceda)

SI NON (no caso de non outorgar autorización, deberá achegar copia compulsada do DNI)

LEXISLACIÓN APLICABLE

Orde do 23 de febreiro de 2010 pola que se regula a oferta de prazas xuvenís dentro do programa Campaña Verán-2010 e se procede á súa convocatoria.

SINATURA DO RESPONSABLE DO MENOR

Lugar e data

, de de 201

(Para cubrir pola Administración)

RECIBIDO	NÚMERO DE EXPEDIENTE

	DATA DE ENTRADA
	___/___/___
	DATA DE EFECTOS
	___/___/___
	DATA DE SAÍDA
	___/___/___
REVISADO E CONFORME	

Director xeral de Xuventude e Voluntariado

DECLARACIÓN XURADA DO PAI /NAI /TITOR/A

DECLARO BAIXO A MIÑA RESPONSABILIDADE QUE SON CERTOS OS DATOS QUE FIGURAN NESTA SOLICITUDE.

De acordo co artigo 5 da Lei orgánica 15/1999, do 13 de decembro, de protección de datos de carácter persoal, infórmoo/a que os datos recollidos nos diferentes anexos desta orde resultan necesarios para a adxudicación de prazas xuvenís dentro do programa Campaña Verán-2010. Os datos facilitados considéranse exactos e postos ao día e serán incorporados ao ficheiro Campamentos de verán, do cal é responsable a Consellería de Traballo e Benestar, e a súa finalidade é obter unha base de datos para resolver as solicitudes de praza nos campamentos, recompilación de datos sanitarios para conseguir un coñecemento previo para previr situacións de risco excepcionais derivadas de circunstancias persoais, obtención de datos económicos para proceder a devolver cotas en caso de renuncia e/ou ingreso erróneo. O titular dos datos consente a comunicación destes a organizacións ou persoas directamente relacionadas co responsable do ficheiro e a súa publicación nos termos contidos nesta orde. Non haberá máis cesións de datos agás a outras administracións públicas que exerzan as mesmas competencias ou no caso de que unha lei o preveña. O interesado pode exercer os dereitos de acceso, rectificación, cancelación e oposición ante o centro directivo competente, no enderezo edificio administrativo San Lázaro, s/n, 3º andar, 15781 Santiago de Compostela (A Coruña) ou no correo electrónico lopd.xuventude@xunta.es. Cando o solicitante facilite datos dun terceiro, aínda que se trate de menores de idade, sempre que sexan maiores de 14 anos, será o encargado de informar do contido desta cláusula ao titular dos datos e con carácter previo á súa inclusión no devandito ficheiro, no caso dos menores deberá expresalo nunha linguaxe facilmente comprensible para estes.

ANEXO III

CUESTIONARIO MÉDICO-SANITARIO

APELIDOS E NOME DO PARTICIPANTE	INSTALACIÓN CONCEDIDA	DATA
<input type="text"/>	<input type="text"/>	<input type="text"/>
INDICAR SE O SOLICITANTE SOFRE ALGÚN PROCESO ALÉRXICO (en caso de ser afirmativo, deberán presentar certificado médico xustificativo)		
<input type="text"/>		
¿QUE TIPO DE VACINAS LLE FORON SUBMINISTRADAS?		
<input type="text"/>		
¿PADECE ALGUNHA ENFERMIDADE QUE PRECISE UN COIDADADO ESPECIAL?		
<input type="text"/>		
¿PADECE ALGUNHA ENFERMIDADE INFECTO-CONTAXIOSA?		
<input type="text"/>		
¿PADECE ALGUNHA LIMITACIÓN FISIOLÓXICA OU FUNCIONAL?		
<input type="text"/>		
¿DE QUE TIPO?		
<input type="text"/>		
GRUPO SANGUÍNEO	<input type="text"/>	
OUTRAS OBSERVACIÓNS QUE OS PAIS OU TITORES CONSIDEREN OPORTUNO ADVERTIR		
<input type="text"/>		

EN CASO DE URXENCIA AVISAR A

NOME E APELIDOS		PARENTESCO
<input type="text"/>		<input type="text"/>
PROVINCIA	CONCELLO	ENDEREZO
<input type="text"/>	<input type="text"/>	<input type="text"/>
CÓDIGO POSTAL	TELÉFONO	TELÉFONO MÓBIL
<input type="text"/>	<input type="text"/>	<input type="text"/>

Declaro baixo a miña responsabilidade que os datos sinalados son certos. Do mesmo xeito, autorizo as decisións médico-cirúrxicas que fose preciso adoptar en caso de extrema urxencia, baixo a adecuada dirección facultativa médica.

Lugar e data

, de de 201

O/A pai/nai ou titor/a do/a participante
(Para menores de 18 anos)

De acordo co artigo 5 da Lei orgánica 15/1999, do 13 de decembro, de protección de datos de carácter persoal, infórmoo/a que os datos recollidos nos diferentes anexos desta orde resultan necesarios para a adxudicación de prazas xuvenís dentro do programa Campaña Verán-2010. Os datos facilitados considéranse exactos e postos ao día, ademais de pertinentes e axeitados e serán incorporados ao ficheiro Campamentos de verán, do cal é responsable a Consellería de Traballo e Benestar, e a súa finalidade é obter unha base de datos para resolver as solicitudes de praza nos campamentos, recompilación de datos sanitarios para conseguir un coñecemento previo para previr situacións de risco excepcionais derivadas de circunstancias persoais, obtención de datos económicos para proceder a devolver cotas en caso de renuncia e/ou ingreso erróneo. O titular dos datos consente a comunicación a organizacións ou persoas directamente relacionadas co responsable do ficheiro e a súa publicación nos termos contidos nesta orde. Non haberá máis cesións de datos agás a outras administracións públicas que exerzan as mesmas competencias ou no caso de que unha lei o prevea. O interesado pode exercer os dereitos de acceso, rectificación, cancelación e oposición ante o centro directivo competente, no enderezo edificio administrativo San Lázaro, s/n, 3º andar - 15781 Santiago de Compostela (A Coruña) ou no correo electrónico lop.d.xuventude@xunta.es. Cando o solicitante facilite datos dun terceiro, aínda que se trate de menores de idade, sempre que sexan maiores de 14 anos, será o encargado de informar do contido desta cláusula ao titular dos datos e con carácter previo á súa inclusión no devandito ficheiro, no caso dos menores deberá expresalo nunha linguaxe facilmente comprensible para estes.

ANEXO IV

-Dirección Xeral de Xuventude e Voluntariado.

Enderezo: edificio administrativo San Lázaro, 3º, 15781 Santiago de Compostela. Teléfonos: 981 54 48 40, 881 99 90 25 e 981 54 48 51.

-Departamento Territorial da Coruña. Consellería de Traballo e Benestar. Servizo de Xuventude e Voluntariado.

Enderezo: r/ Enrique Mariñas, s/n, edificio Proa, Matogrande, 15009 A Coruña. Teléfonos: 881 88 12 40, 881 88 12 42 e 881 88 12 43.

-Departamento Territorial de Lugo. Consellería de Traballo e Benestar. Servizo de Xuventude e Voluntariado.

Enderezo: rolda Muralla, 70, 27071 Lugo. Teléfonos: 982 29 42 24, 982 29 43 52 e 982 29 49 23.

-Departamento Territorial de Ourense. Consellería de Traballo e Benestar. Servizo de Xuventude e Voluntariado:

Enderezo: avda. Habana, 81-baixo, 32071 Ourense. Teléfonos: 988 38 61 18 e 988 38 61 20.

-Departamento Territorial de Vigo. Consellería de Traballo e Benestar. Servizo de Xuventude e Voluntariado.

Enderezo: r/ Concepción Arenal, 8-1ª planta, 36201 Vigo. Teléfonos: 986 81 70 80 e 986 81 77 80.

ANEXO V

ACTIVIDADES XUVENÍS
RENUNCIA DE PRAZA E SOLICITUDE DE DEVOLUCIÓN DE COTA
(Antes de cubrir os datos lea as instrucións ao pé de páxina)
DATOS DO SOLICITANTE (PERSONA INSCRITA)

NOME	APELIDOS	DNI
ENDEREZO		PROVINCIA
CONCELLO	CÓDIGO POSTAL	TELÉFONO

DATOS DO REPRESENTANTE(1)

NOME E APELIDOS		DNI	
COMO (PAI, NAI OU TITOR/A)	DE (PERSONA INSCRITA)		
ENDEREZO			
PROVINCIA	LOCALIDADE/CONCELLO	CÓDIGO POSTAL	TELÉFONO

EXPOSICIÓN DE MOTIVOS QUE OBRIGAN O INTERESADO A RENUNCIAR Á PRAZA (2)

RENUNCIA: á praza que tiña adxudicada en (nome campo de traballo, campamento, actividade...):

que se levará a cabo na (localidade e provincia): desde o ata o polos motivos que se indican a seguir:

e **SOLICITA:** a devolución da cota previamente ingresada.

DATOS BANCARIOS DO INTERESADO OU DA PERSOA QUE O REPRESENTA (3)

CÓDIGO ENTIDADE	CÓDIGO OFICINA	DC	Nº CONTA
TITULAR DA CONTA		ENTIDADE BANCARIA	
ENDEREZO			

Autorizo a Consellería de Traballo e Benestar, de conformidade cos artigos 2 e 3 do Decreto 255/2008, do 23 de outubro e a orde da Consellería de Presidencia, Administracións Públicas e Xustiza, do 7 de xullo de 2009, que o desenvolve, para a consulta dos meus datos de identidade nos sistemas de verificación de datos de identidade do Ministerio de Presidencia.

(Marcar cunha X o que proceda) SI NON (no caso de non outorgar autorización, deberá achegar copia compulsada do DNI)

, de de 201

Asdo.: (Solicitante: quen renuncia á praza)

Asdo.: (Representante: pai/naí ou titor/a legal do solicitante)

- (1) Soamente no caso de que o interesado sexa menor de idade ou non dispoña de conta corrente aberta ao seu nome.
 (2) Para poder proceder á devolución da cota é preciso que a renuncia teña entrada (rexistro) na Dirección Xeral de Xuventude e Voluntariado, nos Servizos de Xuventude e Voluntariado dos departamentos territoriais e oficinas locais de Xuventude da Consellería de Traballo e Benestar, polo menos **vinte (20) días naturais antes** do inicio da actividade.
 (3) O solicitante da devolución (persoa inscrita ou representante) será o mesmo que o titular da conta que se facilita para facer o ingreso (datos bancarios).

Esta solicitude deberán asinala o solicitante e mais o representante, de ser o caso.

Director xeral de Xuventude e Voluntariado ou xefe/a territorial

De acordo co artigo 5 da Lei orgánica 15/1999, do 13 de decembro, de protección de datos de carácter persoal, infórmo/a que os datos recollidos nos diferentes anexos desta orde resultan necesarios para a adxudicación de prazas xuvenís dentro do programa Campaña Verán-2009. Os datos facilitados considéranse exactos e postos ao día, ademais de pertinentes e axeitados e serán incorporados ao ficheiro Campamentos de verán, do cal é responsable a Consellería de Traballo e Benestar, e a súa finalidade é obter unha base de datos para resolver as solicitudes de praza nos campamentos, recompilación de datos sanitarios para conseguir un coñecemento previo para previr situacións de risco excepcionais derivadas de circunstancias persoais, obtención de datos económicos para proceder a devolver cotas en caso de renuncia e/ou ingreso erróneo. O titular dos datos consente a comunicación destes a organizacións ou persoas directamente relacionadas co responsable do ficheiro e a súa publicación nos termos contidos nesta orde. Non haberá máis cesións de datos agás a outras administracións públicas que exerzan as mesmas competencias ou no caso de que unha lei o prevexa. O interesado pode exercer os dereitos de acceso, rectificación, cancelación e oposición ante o centro directivo competente no enderezo edificio administrativo San Lázaro, s/n, 3º andar - 15781 Santiago de Compostela (A Coruña) ou no correo electrónico lop.d.xuventude@xunta.es.

Cando o solicitante facilite datos dun terceiro, aínda que se trate de menores de idade, sempre que sexan maiores de 14 anos, será o encargado de informar do contido desta cláusula ao titular dos datos e con carácter previo á súa inclusión no devandito ficheiro, no caso dos menores deberá expresalo nunha linguaxe facilmente comprensible para estes.